

Die Stände vnd gemeine Nutzen/welche zwischen bösen vnd guten accideriten
hencken vnd wägen/haben Mißgünner/so ihnen gern genug Unglück zufügen vnd an-
lauffen wolten/aber Gott fauorisiert gemeinlich den gerechten Wehren vnd Was-
sen/vnd macht zu schanden die ungerechte vnd unbilliche Ansprengers vnd feindliche
Anlauffers.

Kriege so leichtfertiger vnd ungebührer massen angesangen sind / haben gemein-
lich keinen guten fort noch aufgang.

Die sollen für unversöhnliche Feind allzumahl gehalten werde/welche anderer Leuth
Länder verderben/vnd alle Gottseligkeit darinnen aufzrotten.

Wann Gott ein Volk erhalten wil/so gibt er ihm die lust/von weisen Leuthen sich
lassen zuregieren vnd anwelsen.

Gottses Borschung hat viel Abwege/durch welche er wunderbarlicher weise kan
herbeÿ bringen vnd befördern diejenigen die er wil.

Wann man begehret glücklich einen Krieg zuführen/soll man zuschen/daz er anges-
angen werde in Gerechtigkeit.

Die vneinigkeit der Christen sind eine Ursach der Türcken hochheit.

Es gebühret einem klugen vnd verständigen/daz er für gewiß halte/ daz seine glück-
seligkeit ein zweiffelhaftig Ding sey/vnd nur einen Tag were / zu dem Ende aber dar-
mit diese vngewißheit in vns mache vnd wircke eine grösse weisheit das Kreuz vñ wie-
derwertigkeit zu dulden/vnd daz wir nicht meynen / daz es in unsern Händen stehe/dent
Krieg anzufangen wann es vns gut dunckt seyn / sondern wann es von Gott vns ist zu-
gelassen vnd gestattet/ vnd die deß Glücks sich also gebrauchen/die fallen schwerlich os-
der gar langsam in wiederwertigkeit deß Glücks.

Diejenigen sind die aller boßhaftigsten Politische Medici, welche in dem Leib der
Policey den Aufruhr auffhalten/vnd gestatten dem Ausländischen Feindt sein Vor-
theil zu erdencken/vnd seinen Nutzen zumachen.

Der Monarchen Diener begeren nichts anders / als daz sie die Stätte vnd freye
Respublicas in Krieg bringen/vnd sich darinnen auffhalten mögen/ vnd eine wieder die
ander erhizzen/damit sie allgemeinchlich ihre Grenzen erweitern mögen.

Seinen Mittbürgern hülff vnd beystandt leisten/ist eine edele herzliche vnd wahrs-
haftige Mannheit vnd stärke.

Die ienigen so unbillicher vnd ungerechter weise einen anderen anfallen vnd anlauf-
fen/vnd ob ihrer schon eine sehr grosse anzahl ist / so werden sie doch zum offtermahl von
einer Handt voll gehetzter Leuth geschlagen vnd erlegt.

Das gute gewissen/ vnd der Hass den man tregt gegen seinem todtfeindt/ läßt nicht
zu/vnd gestattet nicht Soldatischen vnd edlen Herzen / daz sie sollen bitten/vnd die
Hand aufstrecken / sondern sie wollen lieber ehrlicher weise sterben / als schandlich
sterben.

Das Armutsh benimmet nicht das Herz/sondern erhebet es viel mehr denen/ welche
ein gut Gewissen haben.

Das verheden des Batterlandes ist besser als alles Gold der Welt.

Wer seinen Nachbawren bekriegen wil / der findet allezeit genug prætextus vnd
Bementlungen.

Wer in eines andern Landt fallen wil/der verderbt sich offt selsten.

Man soll nimmer einen Feindt/er sey auch so Arm vnd elendig / als er immer seyn
möchte/verachten.

Die